

雷波廳志卷三十

土司志

邊地治夷以類從之擇彼雄桀駕馭是資俾率其屬各因其宜或宣慰使或長官司世世承襲服屬羈縻懷集異類永靖邊陲志土司第三十
千萬貫正長官司

元季有夷曰阿照以雄桀著稱馬湖閒其孫曰匹夜於明洪武四年投誠納土因賜姓楊氏授武德將軍承值郎頒給印信號紙數傳至楊九乍萬曆十五年

雷波廳志

卷三十

土司

一

同安興叛總兵李應祥統兵討平之至

國朝康熙四十三年阿照十三世孫楊喇哇赴省投誠撫憲奏請授爲雷波千萬貫正長官司頒給印信號紙嗣於雍正六年雲南米貼夷婦陸氏不法喇哇孫楊明義助逆作亂遂革去職銜不准承襲其繼母楊沙氏其幼弟楊明忠助順殺賊復

賞給土千總職銜仍住千萬貫管束番夷每年認納糧稞馬匹乾隆十四年沙氏病故卽以楊明忠承襲明忠傳子阿弼阿弼傳子吉趣二十四年吉趣病故子純武

繼武均年幼不能任事咨准吉趣妻楊國氏護理土務四十八年純武病故子楊成年僅三歲仍以楊國氏護理嘉慶二年楊國氏病故楊成承襲成傳子應瀧應瀧傳子榮耀榮耀病故無子以族人楊文承襲文子楊石金精明武勇能伏諸夷咸豐十一年隨同官兵征剿滇匪奏

賞五品藍翎頂戴同治二年隨官兵攻克橫江雙龍場股匪
在事出力奏請
賞換花翎四年正月奉

雷波廳志

卷三十

土司

二

上諭賞還千萬貫正長官司原職並頒發印信號紙以示鼓勵六年隨參將韓廷貴征剿夷匪至黃螂匡海壩陣亡子楊德壽承襲光緒十一年德壽病故子忠廷尙幼以德壽妻安氏護理十三年安氏病故子忠廷承襲其先住千萬貫今移城北大旗山下

其地東至二百里交馬邊普阿姑土百戶界南至二百五十里交西昌縣轄安土司屬烈科界西至二百八十里交西昌縣轄安土司屬兩河口界北至三百里交馬邊屬那姑界四至共一千零三十

里所管頭目六十五名番民一千七百四十一戶
並無認納糧稞馬匹等項

〔王舍〕楊繼武楊成胞叔嘉慶七年夷人滋事繼武同
土千總楊成協同出力事竣賞給土千戶執照裔孫
楊德萬今尙承襲

〔王舍〕安慶泰其先安濟明時授馬湖土知府宏治八
年安鼇因事革職子安宇授馬湖土巡檢

國朝雍正六年土舍安保投誠管束夷眾無印信號紙
住牧天姑密裔孫安貞吉入永善
縣武庠安國璽以勦夷
功賞千總

雷波廳志

卷三十

土司

三

職安綱鑑以辦理防夷功以次承襲

〔黃螂〕土舍國朝隆其先爲明時酋長未授職

國朝雍正五年國保投誠無印信號紙住牧黃螂
土千百戶

阿六金區支千戶一名百戶一名夷兵十三名

吳奇支千戶一名百戶三名夷兵十二名

阿六補卽支百戶二名夷兵十二名

磨舌支百戶二名夷兵十二名

承抵舌路支百戶一名夷兵三名

阿著支百戶五名夷兵二十五名

三岡阿蘇支百戶一名夷兵三名

大谷堆百戶一名夷兵五名

小谷堆百戶一名夷兵五名

田家灣百戶一名夷兵六名

馬臥槽百戶一名夷兵四名

丁家坪百戶一名夷兵四名

負主寨百戶一名夷兵四名

母狗坡百戶一名夷兵四名

雷波廳志

卷三十

土司

四

盧銀寨百戶二名夷兵四名

小霧基百戶一名夷兵三名

板都木千百戶一名夷兵四名

大院子時圖支千戶三名夷兵十二名

庚札支千戶二名百戶五名夷兵四十一名

夷車河阿致支百戶二名夷兵三名

建別支百戶二名夷兵二名

烏拋支千戶一名百戶一名夷兵四名

阿黑支千戶二名百戶二名夷兵八名

小溝支百戶二名夷兵四名

加花支百戶一名夷兵二名

補卽支百戶一名夷兵二名

按土司楊氏自元季以來卽雄長雷波

國朝康熙中投誠授爲正長官司使其統率夷眾至同治六年土司楊石金征夷陣亡夷匪未加痛剿土司號令遂不行於諸夷今則徒擁空名而已光緒元年當事者因土司衰弱擇各支雄桀之徒授爲土千百戶乃一時權宜欲使就我範圍約束醜

類唯是強弱之勢時有不同支屬之分久而益夥支旣分則互相爭競強者出則妄思覬覦不得則滋事以要之與之則又勢難徧給此亦邊事之至難者也光緒八年張觀察世康來廳勦辦夷務革去庚札支百戶五名以示薄罰而夷眾究莫之懼欲盡革之則勢又有所不能乃嘆天下事利與害相乘前與後殊勢拘守故常則鮮通驟示更變則駭俗籌邊者亦唯駕馭有法操縱得宜而已不然邊防夷務自改流而外舍此又安能別圖哉